

**Qanoq iliornikkut uumassusileqatigiaat nunanit allaneersut ajornartorsiutaanerata
pinngitsoortissinnanissaanut iliuuseqartoqarsinnaanersoq, nunatsinni uumasooreersut
innarlerneqannnginnissaat pillugu apeqquteqaat aallaavigalugu oqallisissiassatut siunnersuut.
(Inatsisartunut ilaasortaq, Aqqalu C. Jerimiassen, Atassut)**

Oqaaseqaat:

Siunnersuuteqartoq Siumumiit qutsavigarpuit, soqutiginartumik apeqquteqaat aallaavigalugu oqaluuserisassanngortitsineranut.

Nunatsinni uumassusileqatigiaat amerlaqaat, piujuartitsinermik aallaaveqarluta sumiiffinni tamani nungutsaaliuinissarput Siumumiit pingaartilluinnarparput. Kalaallit nunatta uumasui eriagilluinnaaqissaartariaqarpagut ilisimatuussutsikkullu ilisimalluarneqarnissaat pingaaruteqarpooq, nunatut pisuussutigut uumassusillit politikkikkut tamakkiinerusumik sakkusaqarluartumilli illersugaanissaat pissusissamisoorluinnassaaq.

Assersuutigineqartut nerlerik ima nunamik annertutigisumik inangiisimatigilerput allaat nunarujussuaq qeqertarparujussuit manniliorfigineqalersimallutik nunatta uumasui inangerneqarlutik. Assersuutigilakka imeqqutaallat, nungutaannginnissaat illersorniarlugu mannissartarneq inerteqqutigineqalerlutik, kingunerivaalu naajat teriannissallu kisimik takussaalersimallutik.

Oqallissaarisup tunngavilersuutimini piffiit ilaanni kalaallit nerlerat takussaajunnaarsimasoq oqariartuitigaa, ila ajoraluassusia. Nunattalu avataaneersullu nerlerit takussaalerlaraluttuinnarsimallutik. Tamakkulu nunatut periuseqarfigisariaqarpagut pissusissamisoortuussaaq uumassusilerisut tamatuma tungaatigut annertusisamik ukkataqarnissaat. Nunat allat periuserikkajuttarpaat nunatut uumasorinngisaminnik nungusaasarlutik, piffissami aalajangersimasumi aqquaaginnartartuunerat uumasoqatigiaanullu akornusiinnginnissaat pinaveersaarniarlugu, taamaattumik nunatut qanoq inatsiseqassanerluta suliarisariaqarpaput.

Naalakkersuinikkut siunissaq eqqarsaatigalugu eqqartorneqarnissaat periusissiorfigineqarnissaallu pissusissamisuussaaq. Siunnersuuteqartup aarleqquteqarnera paasilluarparput nunatta nerlerisa nungutaaratarsinnaanerat periataassagaluarpat aarlerinartuummat, ila tamanna akueriuminaassaqaq allamiut uumasuinik inangerneqarlutik nungukkiartulersimassappata, taamaattumik allaqqussinnaanngilarput siunissami periusissiorfigineqarnissaat tigussaasunillu ilisimatuussutsikkut nalunaarsuisoqarluni. Silaannaap allanngornera eqqaanngitsoorneqarsinnaanngilaq, uumassusileqatigiaat naleqqussartuartuupput piffimmiillu piffimmut nikittarnerat aamma pisooqataasinnaasoq, ukiorpassuarnik silaannaap pissusaanik allanngorneq pisartoq ilisimaneqarpooq. Avataaniit uumassusileqatigiinnut suliniaqatigifiinniit tatisimaneqarnerup kingunerisartagai aamma initusaqaat, naleqartitatsinnut killilersuilersarlutik.



Neriuppunga oqallinneq inerititaqarfiussasooq naalakkersuinikkut sinaakkutissanik pissarsiffiullunilu, oqallilluarnissassinnik kissaallusi.

Qujanaq.

Oqallilluarisi.

Lars Poulsen, Siumut